

Visoki predstavnik održao razgovore za Ministrom vanjskih poslova Velike Britanije

Tokom posjete Londonu, Visoki predstavnik, Wolfgang Petritsch, juče se sastao sa ministrom vanjskih poslova Velike Britanije, Jackom Strawom, i drugim najvišim dužnosnicima Ministarstva vanjskih poslova i Parlamenta. Visoki predstavnik ih je tom prilikom upoznao sa glavnim političkim i socijalnim pitanjima sa kojima će se Bosna i Hercegovina suočavati u nekoliko narednih mjeseci.

Tokom susreta, Visoki predstavnik se fokusirao na proces ustavnih reformi koje će Parlamenti oba entiteta uskoro preduzeti kako bi osigurali potpunu zastupljenost i zaštitu bh. konstitutivnih naroda i građana oba entiteta. Visoki predstavnik je istaknuo potrebu za kompromisom i odgovornošću bh. političkog rukovodstva nad tim procesom, te pozdravio sastanke održane na Mrakovici i Sarajevu na kojima su vodeće bh. političke stranke otpočele proces traganja za rješenjima pitanja koja proističu iz odluke Ustavnog suda. Visoki predstavnik je napomenuo da amandmani na entitetske ustave moraju biti usaglašeni i usvojeni otprilike do sredine marta, čime bi se otvorio prostor za donošenje amandmana na Izborni zakon. Time bi se omogućilo održavanje oktobarskih izbora prema tom Zakonu.

U toku pregovora su skrašnji prijem BiH u Vijeće Evrope i nastavak procesa jačanja državnih institucija ocijenjeni kao pozitivni pomaci, iako je naglašeno da će BiH sada morati ispuniti i kriterije koji pred njom stoje nakon prijema u

Vijeće.

Visoki predstavnik je takođe pokrenuo pitanje saradnje između države BiH i entiteta sa Tribunalom u Hagu, te istaknuo potrebu za hapšenjem osoba optuženih za ratne zločine, Radovana Karadžića i Ratka Mladića. Napomenuo je da bi se time Bosni i Hercegovini, a osobito RS-u, omogućilo da simbolično zatvori tamno poglavljje svoje nedavne prošlosti, te dodao da je to i preduvjet za pomirenje i brži povratak izbjeglica. Svi njegovi sugovornici su se u potpunosti složili sa takvom ocjenom i naglasili da je Karadžiću i Mladiću mjesto iza rešetaka haškog Tribunal-a.

Visoki predstavnik je dobio pozitivne reakcije na svoje prijedloge u vezi sa preustrojem prisustva međunarodne zajednice u BiH, a posebno u vezi sa uvođenjem sistema međuagencijskih radnih tijela za povećanu suradnju, te novim sistemom kabineta unutar kojeg će se predstavnici ključnih međunarodnih organizacija redovito sastajati pod predsjedavanjem Visokog predstavnika, kako bi se politika bolje koordinirala. Takođe je sa zadovoljstvom primjećen i napredak koji je postignut u oblasti povratka izbjeglica, kao i sve veća stopa implementacije imovinskih zakona.

Ministar vanjskih poslova Velike Britanije se Visokom predstavniku zahvalio na pregledu stanja u BiH, naglasivši da britansko Ministarstvo vanjskih poslova u potpunosti podržava nastojanja Visokog predstavnika.

Sugovornici Visokog predstavnika bili su i Dennis McShane, zamjenik ministra vanjskih poslova Velike Britanije, Lord Grenfell, predsjedavajući Potkomiteta za ekonomiju i finansije Komiteta Doma lordova za Evropsku uniju, zatim general-potpukovnik Sir Michael Willcocks, ceremonijar Doma lordova, i Chris Treach, viši politički savjetnik Evropske banke za

rekonstrukciju i razvoj. Visoki predstavnik susreo se Alexandrom, prestolonaslijednikom Jugoslavije, koji je u isto vrijeme bio u posjeti Domu Lordova.